

Landesbibliothek Oldenburg

Digitalisierung von Drucken

Disputationes Chirurgicæ Selectæ

Haller, Albrecht von

Lausannæ, MDCCCLV.

VD18 90538889

Titelblatt

urn:nbn:de:gbv:45:1-16577

X L V.

D I S S E R T A T I O
M E D I C O - C H I R U R G I C A ,
D E
E P U L I D E E T P A R U L I D E ,

Quam Praeside

G. C. SCHELHAMMER P. P.

Pro Doctoratu consequendo tuebatur

G. F R I D . F R A N C U S

A R G E N T O R A T E N S I S .

Jenæ 22 Martii anno 1692.

Tom. II.

O 6



Landesbibliothek Oldenburg



C A P U T P R I M U M.

Nomen, naturam, genus & differentiam epulidis & parulidis tradit.

Cum itaque noster scopus requirat, ut præsentem dissertationem recto tramite aggrediamur, non abs re fore existimo, affectus hujus *Onomatologiam* primo loco rimari: vocatur autem *epulis*, quæ vox latina civitate donata, quippe Græcis ἐπύλις. Componitur vero ex ἐπὶ quod hoc in casu circa, vel super & supra, & τὸ ὄυλον gingiva, prout notat Job. *Scapula. in Lex. Gr. Lat.* quasi dicas *supergingivalis*, puta *morbus. Ex crescentia Gingivæ* itidem apud Latinos eo nomine venit: Joh. *Crispinus* in *Lex. suo Gr. Lat. sub lit. E.* pariter hanc vocem ita vertit, ut & *P. Forst. Lib. XIV. obs. 16. in schol. Jonston. synt. univ. med. Pr. l. 3. tit. 12.* Joh. *Georg. Walther. sylv. med. lit. G.* Joh. *Ronseus enarrat. ad Corn. Celsi l. 6. c. 13. f. 596.* & Joh. *Gorrerus in definit. med. lit. e. Tuberculum, Fel. Platero obs. l. 3. p. 648. Caruncula in ore, & M. Sebiz. in sp. Med. Pr. part. 2. sect. 4. c. 8. atque Celeberr. Etmüller oper. in fol. edit. p. 1. c. Pr. c. 3. p. m. 112. Luxuries & dentium superincarnatio* vocatur: non satis accurate. Belgis appellari solere Baftert Vleis, Steph. *Blancardus in Lexico medico* ait: ast longe aliud simul ad epulidem requiritur, ita ut non satis perspectam habere epulidis naturam videatur Blancardus. In *Fabro Buchneri per Cellar. f. m. 876. ita: epulis, idis, ἐπύλις, excrescentia gingivæ, caruncula inter dentes gingivis enata, daß Fleisch zwischen den Zähnen,* valde inepte! Quod tamen lexicographo non medico facile condonabitur. Παρύλις vero simili compositione est ad gingivam ortus morbus, & *Jul. Polluci. O. nom. lib. 4. c. 25.* dicitur γλῶν απόστης, gingivarum defecatio, teste Joh. *Rhadio in not. ad scrib. Larg. comp. 61.* Gingivam vero deficere putat à suppuratione, non soluta sc. inflammatione; cui contrariaatur maxime *Fallopian tract. de tumor. p. n. altero & postremo cap. 27.* dum ait: sic dici tanquam nova gingiva addita priori, παρύλις, quasi gingiva parva, oborta alteri. Nos autem jure *Jul. Polluci* subscríbimus, απόστην tamen non defectionem sed abscessum esse interpretandum, arbitramur, ut sit idem quod απόστης.

§. I I.

Hæc de nomine; sollicitum me nunc ordo esse jubet de ipsa re. Cujus notitia non ex aliis quam Græcis Auctoriibus petenda, vocabulo ab his primum usurpato. Et in *Hippocrate* quidem ejus mentio nominatim non legitur, cum illis temporibus nondum exculta adeo esset medicina, ut singuli morbi, morborumque genera, propriis suis nominibus gauderent.

O o 2

Non

